

## Curso Cuadrimestral de Alemán 2º C (Sede Enxeñaría Campus) - 2016-2017

### Información da convocatoria

---

<b>Tipo</b>	CURSO CUADRIMESTRAL DE ALEMÁN PARA ESTUDANTES DE ENXEÑARÍA E OUTROS INTERESADOS
<b>Código</b>	V17.XT.AL.A12.EN.CA
<b>Nome</b>	Curso Cuadrimestral de Alemán 2º C (Sede Enxeñaría Campus)
<b>Curso académico</b>	2016-2017
<b>Nivel</b>	A1.2
<b>Modalidade</b>	PRESENCIAL
<b>Horas</b>	55.00

### Descrición

---

Adquirir coñecementos básicos de lingua alemá. Dirixido a persoas sen coñecementos previos da lingua. De acordo co Marco Común Europeo de Referencia (MCER) o Nivel A1 adquirese cando o/a estudante é capaz de comprender e utilizar expresións cotiás de uso moi frecuente así como frases sinxelas destinadas a satisfacer necesidades de tipo inmediato; cando pode presentarse a si mesmo e a outros, pedir e dar información persoal básica sobre o seu domicilio, as súas pertenzas e as persoas que coñece; e cando pode relacionarse de forma elemental sempre que o seu interlocutor fale lentamente e con claridade.

Aqueles alumnos que cursen os dous cuadrimestres terán o exame incluído no importe do curso.

Nos cursos organizados en 2 cuadrimestres, se non realizaches o primeiro e incorporaste no segundo, o prezo da matrícula do segundo cuadrimestre verase incrementado polo importe correspondente ao exame do curso.

**Ao finalizar o curso haberá un exame que acredita o nivel cursado.**

### Información sobre o calendario (datas)

---

<b>Período de matrícula</b>	02/12/2016 - 29/01/2017
<b>Período de docencia</b>	03/02/2017 - 12/05/2017

### Prazas e créditos

---

<b>Número mínimo de participantes</b>	12
<b>Número máximo de participantes</b>	20
<b>Horas ECTS</b>	55
<b>Validación LE</b>	3

### Destinatarios

---

Este curso está especialmente deseñado para enxeñeiros, estudantes de enxeñaría e outros interesados que queiran iniciarse na aprendizaxe da lingua alemana.

### Calendario

---

**Venres de 15.00 a 19.30 horas** ( descanso de 17.00 a 17.30)- Seminario 4

**Comezo das clases:** 3 de febreiro

**EXAME:** venres 19 de maio ás 16.00 horas na **Facultade de Filoloxía e Traducción**

### Programa

---

#### ALEMÁN A1.2

**-O día a día:** comprender a axenda do día dunha persoa, comprender mails sobre o que se fixo hoxe e no día anterior, contar o noso día a día, informar

do que fixemos onte ou na fin de semana, dar indicacións temporais.

**-Festas e eventos:** comprender textos breves sobre festas e eventos en Alemaña e sobre as experiencias de mozos nenas festas, falar sobre festas ou eventos que nos gustaría visitar, escribir un texto breve sobre unha festividade do lugar de procedencia, comprender un blog sobre viaxes, indicar o ano e as estacións do ano.

**-Orientación na cidade:** identificar servizos e institucións nunha cidade, preguntar, comprender e describir o camiño para chegar a un sitio, escribir un mail describindo unha ruta sinxela, dirixirse a alguén de xeito formal, dar indicacións de lugar, dar as graza e corresponder.

**-A vivenda:** describir o interior e exterior dunha vivenda, describir a miña casa ideal, facer valoracións, indicar posesión, comprender anuncios do mercado inmobiliario, comprender mails informais pedindo e dando información sobre casas de aluguer.

**-Cidades e barrios:** identificar lugares de interese nunha cidade, comprender un blog persoal sobre un barrio e sobre a cidade favorita, comprender e escribir comentarios nun blog, indicar o que vemos dende a nosa casa, escribir un texto sobre o barrio no que vivimos, expresar gustos e preferencias.

**-Incidencias e citas:** comprender anotacións na axenda persoal dunha persoa, entender e escribir un mail para concertar, aprazar ou cancelar unha cita, comprender información acerca dun problema técnico, ofrecer axuda, pedir axuda e agradecerela.

**-Plans e desexos:** informar dos desexos e plans futuros, expresar desexo e intención, comprender unha entrevista nun magazin sobre as aspiracións profesionais de varios mozos, escribir unha entrada nun foro sobre a nosa profesión e os plans profesionais.

**-A saúde:** identificar as partes do corpo e doenzas habituais, dicir o que nos doe, dar e comprender consellos directamente ou a terceiras persoas, escribir recomendacións sobre métodos curativos nun foro, completar un cuestionario sobre o estilo de vida.

**-O aspecto físico:** describir cómo era unha persoa antes e como é agora, opinar sobre o carácter, expresar sorpresa, comprender *small talk* e cotilleos, describir un encontro cunha persoa famosa, ler un texto con información sobre un famoso.

**-As tarefas da casa:** nomear as tarefas domésticas habituais, dar ordes, describir o estado dunha habitación, escribir a un anuncio dunha habitación nun piso compartido, escribir unha nota dando indicacións ou facendo encargos a un compañeiro de piso, describir ó compañeiro de piso ideal.

**-Regras e normas:** comprender carteis e sinais con normas e prohibicións, expresar obriga, permiso e prohibición, cubrir un cuestionario sobre a nosa reacción ante determinadas prohibicións, expresar acordo ou desacordo, comprender e opinar nun foro sobre as normas de convivencia nun edificio.

#### Libro de texto:

**Menschen A1.1-**Leccións 11 e 12

**Menschen A1.2-**Leccións 13 á 21.

## Forma de pago

---

#### Tarifas

Comunidade Universitaria	235.00 €
Público en xeral	280.00 €

Este curso require un pagamento inicial dunha cota de preinscrición de 15.00 € que se descontará do importe total da matrícula.

#### Formas de pago

Transferencia bancaria
Tarxeta bancaria
Emisora X011668 Ingreso efectivo (Banco Santander)

## Impartido en

---

Campus de Vigo - Escola de Enxeñaría Industrial- Sede Campus - Seminario 4

## Cómo matricularse

---

Entra en <http://centrodelinguas.fundacionuvigo.es>

Alí encontrarás toda a oferta de cursos e as indicacións para realizar a túa matrícula. Aquí che indicamos un pequeno resumo:

1. Na pantalla de inicio:

- Se realizaches o teu rexistro en Bubela durante os anos 2012 e 2013, xa estás rexistrado no programa. No campo central "Recuperar contrasinal", introduce o teu DNI.
- No caso contrario, pulsa "Rexistrase" e introduce os teus datos persoais.

**EN AMBOS CASOS RECIBIRÁS UN CORREO ELECTRÓNICO CO TEU CONTRASINAL.**

2. Facer a preinscrición online seguindo os pasos que se indican.

3. Pagar o importe do curso, para o que tés tres posibilidades:

a) Pago con tarxeta

b) Transferencia no **Banco Santander**:

**Número de conta: 0049 614198 2510007984**

**Código Swift: BSCHESMMXXX**

**IBAN: ES86 0049 6141 9825 1000 7984**

**Debes indicar o teu nome e o nome do curso no que te matriculas**

c) Ingreso en efectivo no **Banco Santander**:

**Neste caso debes indicar estes datos:**

**Emisora: X011668**

**Importe do curso**

**Nome do alumno e nome do curso no que te matriculas**

4. Todo o proceso de matrícula podes facelo a través do programa do centro de linguas.

5. A matrícula confírmase a través dunha mensaxe de correo electrónico.

## Condicións de acceso

---

**Certificado de A1.1** (con data dos tres últimos anos) ou proba de nivel.

**NOVA PROBA DE NIVEL (30 de xaneiro ás 17.00 horas, na Facultade de Filoloxía e Tradución)- Aula NEWTON 13, pavillón C**

## Devolución

---

Para a devolución de matrícula séguense os seguintes criterios:

1. Só procederá a devolución do importe íntegro da matrícula, incluída a cota de preinscrición, cando, por causas non imputables aos usuarios, non se realice a actividade.
2. No caso de que o alumno/a non supere a proba de nivel do curso para o que se matriculou, e non realice outro curso, non procederá a devolución da cota de preinscrición.
3. Non obstante o declarado no punto anterior, o Centro pode devolver o importe en casos especiais que considere xustificadas, sempre que se solicite por escrito ao Centro de Linguas, a lo menos **tres días antes da data de inicio dos cursos**. Cando se considere xustificada a devolución, o Centro reterá **15 euros** en concepto de gastos de xestión.
4. Considérase que procede a devolución nos casos seguintes, sempre que os mesmos se produzan coa antelación especificada no punto anterior e se xustifiquen debidamente:
  - Cando se produza a sinatura dun contrato laboral que implique incompatibilidade horaria co curso matriculado, sempre que non resulte posible a adscrición a outro curso similar. Debe achegarse copia do contrato de traballo.
  - Por causa de accidente ou enfermidade que imposibilite seguir con regularidade o desenvolvemento do curso. Debe aportarse xustificante médico.
5. En ningún caso se devolverá o importe da matrícula unha vez iniciadas as clases.